

## ԿԵՆԴԱՆԻ ՋՐԵՐԻ ԳԵՏԵՐ

### ԲԱՆԱԼԻ ՀԱՄԱՐ. ՀՈՎՀԱՆՆԵՍ 7.37-39

37 Եվ տոնի վերջին մեծ օրը Հիսուսը կանգնած էր և աղաղակում էր՝ ասելով. Եթե մեկը ծարավ է, թող ինձ մոտ գա ու խմի: 38 Ինչպես Գիրքն է ասում. Ով ինձ **հավատում է**, նրա **ներսից կենդանի ջրերի գետեր պիտի բխեն**: 39 Նա այս ասաց՝ նկատի ունենալով Սուրբ Հոգուն, որն **ընդունելու էին** նրան հավատացողները, որովհետև Սուրբ Հոգին դեռևս չունեին, քանի որ Հիսուսը դեռ փառավորված չէր:

Որքան ծարավ ես դու

Հիսուսն ասաց. «Երանի նրանց, ովքեր քաղցած ու ծարավ են արդարության, որովհետև նրանք պիտի հագենան» (Մատթեոս 5.6):

- Աստված լցնում է քաղցածներին:
- պատասխանում է ծարավներին:
- Թափում է իր Հոգին այնտեղ, որտեղ տեղ են բացել Նրա համար:

### I. ՀԻՍՈՒՍԻ ԱՂԱՂԱԿԸ. ԿԱՆՉ ԾԱՐԱՎՆԵՐԻՆ

- Ծարավը խոսում է կարիքի, դատարկության, փափագի և հուսահատության մասին:

«Եթե մեկը ծարավ է, թող ինձ մոտ գա ու խմի»:

Դավիթը աղաղակում էր. « Ինչպես եղջերուն է փափագում ջրի առուներին, այնպես էլ **իմ անձը** փափագում է քեզ, ո՛վ Աստված (Սաղմոս 42.1-2):

Եսային աղաղակում էր. «Ո՛վ բոլոր ծարավներ, եկե՛ք ջրերի մոտ» (Եսայիա 55.1):

«Ես ջուր պիտի թափեմ ծարավի վրա... իմ Հոգին՝ քո սերնդի վրա» Եսայիա 44.3

Հովհաննես 4.10 – Եթե իմանայիր Աստծու պարգևը, և թե ո՛վ է նա, որ քեզ ասում է՝ "Ինձ խմելու ջուր տուր, ապա դո՛ւ նրանից կխնդրեիր, նա էլ քեզ **կենդանի ջուր** կտար:

Սամարացի կնոջը Նա ասաց. «Ով խմի այն ջրից, որ ես նրան կտամ, հավիտյան չի ծարավի» (Հով. 4.13-14):

## II. **ՀՐԱՎԵՐԸ. ԹՈՂ ԻՆՁ ՄՈՏ ԳԱ ՈՒ ԽՄԻ.**

Ելից 17.6 – Ահա այնտեղ՝ Քորեթի ժայռի վրա, կկանգնեմ քո առջև. դու կհարվածես ժայռին, դրանից ջուր դուրս կգա, և ժողովուրդը կխմի:

Ա Կոր. 10.4 – Բոլորն էլ նույն հոգևոր ըմպելիքը խմեցին, որովհետև այն հոգևոր վեմից էին խմում, որ նրանց հետ էր գնում, և **այդ Վեմը Քրիստոսն էր:**

**Այսօր այդ կենդանի ջուրը լցվում է Քրիստոս Վեմից քո մեջ և քո միջից հոսում դուրս:**

### III. ԽՈՍՏՈՒՄԸ. ՈՉ ԹԵ ԶՐԻ ԿԱԹՒԼՆԵՐ, ԱՅԼ

38 **ՁԵՐ ՆԵՐՍԻՑ** կենդանի ջրերի **ԳԵՏԵՐ** պիտի բխեն

- **Տաճարից հոսող գետը – Կյանքը Ներսից դեպի դուրս (Եզեկիել 47.1–12)**

Եզեկիելը տեսավ տեսիլք՝ ջուր հոսում էր տաճարի շենքից: Սկզբում՝ մի փոքր հոսք էր, հետո հասնում էր ծնկներին, գոտկատեղին, մինչև որ դարձավ գետ, որը ոչ ոք չէր կարող անցնել:

«Մաքուր ջուր պիտի ցողեն ձեզ վրա... և իմ Հոգին պիտի դնեն ձեր մեջ» Եզեկիել 36.25–27

- **Այս խոստումը կատարվեց Պենտեկոստի օրը (Գործք 2.1–4):**
- **Պետրոսն ասաց. «Ապաշխարեցե՛ք, և դուք կստանաք Սուրբ Հոգու պարգևը» (Գործք 2.38):**

Գործք. 2.39 – Որովհետև այս խոստումը **ձեզ, ձեր** զավակների և **բոլոր այն հեռավորների** համար է, որոնց մեր Տեր Աստվածը կանչելու է:

Գործք 8.17 – 17 Այն ժամանակ ձեռքերը դրեցին նրանց վրա, և **նրանք ընդունում էին Սուրբ Հոգին:**

Գործք 10.44-48 – Եվ Պետրոսը դեռ այս բանը  
խոսելիս Սուրբ **Յոզիան իջավ** այն խոսքը լսողների **բուրդի  
վրա**: Եվ զարմացան Պետրոսի հետ եկող  
հավատացյալները, որ թլփատությունից էին, որ  
հեթանոսների մեջ էլ Սուրբ Յոզու պարզևը թափվում  
էր: Որովհետև լսում էին, որ նրանք լեզուներով խոսում և  
Աստծուն փառավորում էին: ...Սուրբ Յոզիան ընդունեցին  
ինչպես և մենք:

«Ես իմ Յոզիան պիտի թափեմ ամեն մարմնի վրա» (Յովել  
2.28, Գործք 2.17):

**Յիսուսը դեռ կանգնած է և դեռ աղաղակում է.**

«Եթե մեկը ծարավ է, թող ինձ մոտ գա ու խմի»:

«Տե՛ր Յիսուս, մենք գալիս ենք ծարավ: Նորից լցրու մեզ **Քո**  
Սուրբ Յոզով: Թող կենդանի ջրերի գետեր հոսեն մեր  
սրտերից **Քո** փառքի համար: Ամեն»:

**ԻՆՉ Է ԱՍՈՒՄ ՍՈՒՐԲ ՅՈԳԻՆ ՔԵՉ ԱՅՍ ՊԱՏԳԱՄԻ  
ՄԻՋՈՑՈՎ**